



Ассаламу аьлайкум, дустал

ХХЯХХА БАРГЪ

Лакрал райондалул кказит. Ита бакьлай 97-сса шин.

12+

«ЗАРЯ»

Нюжмар
15 январь
2021 ш.

№3

www.zaria-online.ru
gazetazary@mail.ru

13 январь - Аьрасатнал печатърал кьини

Петр 1-лул байбивхъусса тарих

Январьданул 13-ний жула билаятрай к1иц1лагай печатърал зузалтрал пишалул байрам. Ва байрам дарх1уну дур Аьрасатнаву цалчинсса кказит итабакьлай байбивхъусса тарихрац1ун. 1703 шинал январьданул 13-ний паччах1 Петр 1-лул указрайн бувну, итабавкьун бивк1ун бур «Ведомости» т1исса казитрал цалчинмур номер.



1914 шинал жула билаятрай буклай бивк1ун бур шан азарунниял ххишаласса кказитру.

1917 шина махъ печатърал кьини дуртун дур майрал 5-нийн. Му кьини бувккун бивк1унт1ий агьаммур совет казит «Правда».

1991 шинал т1урча, РСФСР-данул Верховный Советрал Президиумрал №3043-1 Х1укму бувну декабрьданул 28-ний («О Дне российской печати»), Аьрасатнал печатърал кьини к1иц1лагайсса шадлугъ дуртун дур гара хъхьич1сса кьинилийн -13-мур январьданийн.

Му кьини аьдатравун дагъну дур Аьрасатнал Президентнал СМИ-лул иширттаву хъхьич1ун ливчуминнан бахшиш-ругу, жагьилсса журна-листуран кумагрансса гран-ругу дулаву.

С ДНЕМ РОССИЙСКОЙ ПЕЧАТИ!

1870 шинал январьданул 1-ний почталул учреждени-ерттай подписка кьамул дул-

лангу ихтияр дуллун дур оьрус ва кьат1аллил мазурдий ита-бакьлакьисса казитирттайн.

Тарихийсса иш

Дагъусттаннал Автономия

Дагъусттан Респуб-ликалул полити-кийсса оьрмулугу хъус-са, тарихраву агьамсса ишруну хъанахъиссар 1860-ку шинал Дагъуст-таннал область сакин даву ва 1920 шинал Дагъусттаннай совет зумунсса автономия шаврил Декларация кьамул даву.

Вай к1ивагу дагъуст-таннал халкьунал кьа-дардануц1ун бавх1усса ишру хъуну бур Темир-хан-Шуралий, ц1анасса Буйнакский. Та ч1умал му хъанай бивк1ун бур зунттал билаятрал хъун шагъру.

Вай иширттаясса ч1ярус-са материаллу ва кьай -кьуй ядуллай дусса дур Шурагъсса краеведениелул ва тарихрал музейраву.

1860 шинал сакин дурсса Дагъусттаннал областъра-вун духлай дирк1ун дур, Ку-биннал уезд бакъасса, При-каспийский край, мукуна



шала зунттал Дагъусттан. Му областърал дугълай дирк1ун дур Самур неххая байбивхъу-ну Аьнди Къуйсулч1ансса, Каспи хъхьирил зумания бай-бивхъуну Кавказуллал хъун-мур бурх1ац1ан дияннинсса аьрци.

Дагъусттаннал областърал аьрщарайхсса дазул лахъиши-ву дирк1ун дур 750км., хъхьи-

рийхсса -300 кметралин дирсса.

Область дарч1уну дир-к1ун дур округирттайх, му дач1авугу яхъуну дур 1929шинайнин. Циняр округу дирк1ун дур 9: Аьндиннал, Гъуниннал, Даргиял, Гъази-Гъуму-чийл, Къайтагъуллал, Та-басараннал, Кюриннал, Самурдал, Темир-Хан-Шурагъиял.

Дагъусттаннал хал-кьунал съезд (Черезви-чайный) хъуну дур 1920 шинал ноябрьданул 13-ний Темир-Хан-Шуралий. Мунил давриву гьуртту хъуну ур халкьунал 300 вакил. Му ч1умал Иосиф Сталин ивк1ун миллатирттал иширтталсса буллалисса хал-кьунал комиссарну. Мунал баянгу бувну бур Дагъусттан-нал автономия. Съездрай Ста-линнул укуну бивк1ун бур: «Дагъусттаннал автономия дагъусттаннал оьрмулугу духлахиссар ц1акьсса, ппив бан кьашайсса гьануну. Цан-

Барчаллагърай к1иц1 лаглай буру

Цумур бухъурчагу кказитрал даву ч1арав бац1улт, ку-магчитал, буруччин чялиш бувкми бакъахъурча дувзрайн дуклай дакъар. Хаснува ва заманнай, Интернетрал бияла щавчусса ч1умуву.

Ци бухъурчагу, барчаллагъри цан, ка-кумаг бувулт, дак1 хъунмур бусайми, кказит ккалли-сан буллай маслих1ат байми уттигу бур.

Кказитрал буруккинтуру бигъа бан ч1арав бац1улт жун, «Хяхххабургъил» редакциялун хъиннува бусрав шай подпискалул компания нанисса ч1умал.

Ч1ярусса шиннардий, ц1арду кьачичирчагу, подписка-лул кумаг байва райадминистрациялий каялушиву дул-лалиминнавассаннал, ч1явуми шяраваллал бак1читурал, школарттал директортурал, идарарттай, организациярдай каялушиву дулалиминнал. Цува бак1чину дуккавил управ-лениелул хъунама Явсуна Х1амзаевлул х1арачат бай шко-ларттал директортал подписка давривух х1ала буххан бан. Ц1уллушиву дулуннав цахъхъун - 2021 шинаву бук1лансса кказитирттал подписка дунни циняв директортурал.

Шяраваллал администрациярдаву цаппараннан ан-жагъ дак1нин бутаву гъа шай, цаппарассаннахъ цимил тикрал булларчагу чулин кьабуккай. Мукуна чулух ли-ч1ай цаппара идарарттугу. Цайва-цайва бавц1уну под-писка дурминнал ва кьадурминнал ц1арду к1иц1 лаган кьахъунссар, х1акьинусса кьинигу дуллалиссагу бур.

Амма цинявгу подписка дурминнахъ, миннавухва МВД «Лакский» отделданий, ЦРБ-лий, ветуправлениелий, каз-начействолий, райпорай, подстанциялий, ЦСОН-далией, «Солнышколий» каялушиву дуллалиминнахъ ва гьарцагу ч1арав бавц1унахъ, ванияр шихуннай подписка дансса пикри буминнахъ дак1нихтунусса барчаллагъ т1ий буру миллатрал кказитту, мазгу, тарихгу, буруччин ч1арав бац1-лац1исса.

«Хяхххабургъил» редакция.

чирча хушрай дурмур дуну-т1ий х1акьмур».

Черезвычайный съездрал Дагъусттаннал автономия ду-лавриясса х1укму 1921 шинал январьданул 20-ний ц1акъ бувссар Шала Аьрасатнал Центральный Исполнитель-ный Комитетрал Дагъусттан-нал АССР сакин давриясса Декретрал.

Республикалий цила х1уку-мат шаврил х1уччарду таст-тикъ бувссар Гъази-Гъуму-чийл округрал вакил Сяид Х1абиевлул, даргиял вакил Су-лайман Аджинал, ярусаннал вакил Нахибашевлул. Мукуна, Баргъбуккавал чулухаллил халкьунал иширтталсса бул-лалисса Президиумрал Совер-трал член Павловичул.

Агьамсса шадлугъру

Дагъусттан республикалий январь зуруй к1иц1 лаган т1ий бур укунсса шадлугъру:

15-мур январьданий -СССР-данул, РСФСРданул, Дагъ-усттаннал халкьунал артист, РСФСР-данул искусство-лул лайкь хъусса ишккакку, композитор, дирежер Ма-х1аммадлул арс Мурад Къажлаевлул 90 шин шаву;

20-мур январьданий -Дагъусттаннал Автоном Совет-ский Социалистическаий Республика (ДАССР) хъуну 100 шин шаву;

20-мур январьданий -Аьрасат Федерациялул Виричу, Аьрасат Федерациялул лайкь хъусса лётчик -испытатель, генерал -майор, экономикалул элмурдал доктор Толбоев Мах1аммад Оьмардул арсан 70 шин шаву.

25-мур январьданий Дагъусттаннал халкьунал писатель Расуллул арс Мах1аммадрасул Расуловлул 85 шин шаву.

Дагъусттаннал автономия баян бувну 100 шин

Революционер, пасих1сса ихтилатчи, публицист

Дагъусттанналгу, Ухссавнил Кавказналгу, Аьрасатналгу агъали аваданминнал зулмулуца, паччах1нал администрациялул к1яялуца ххассал бавриву, цинян-нахъхун арх1алсса ихтиярду дуллуса низам дишавриву лайк1сса клану бувгъуссар цалчинми революционертура-васса лаккучув Саэд Х1абиевлул. Дагъусттаннахъхун автономия дирхъусса ихтиярду дулун Темир-хан-Шуралин бувк1ун бивк1сса И.Сталин ва Г.Орджоникидзе бавц1ун бивк1ссар Саэдлул к1ятраву.



Увну ур С.Х1абиев 1882 шинал майрал 28-ний Псковуллал губерниялийсса Опочка шагърулий. Тихун ссивиллив гъан увну ивк1ун ур ганал ппу Ибрагъийн, 1877 шинал ярагъуннишал пачах1нал администрациялин к1ярщину гъаз хъуминнавах ивк1унтий. Кулпатрашал тийх ссивиллив ряхра шин дайхту, амнистия (ялтту буч1аву) баян бувну, сагъну ливч1ми гъалмагътурашал гагу зана хъуну ур Дагъусттаннайн Гъази-Гъумукун.

-Цала хъус-хъиншивугу дакъа ливч1сса ппу ххюя инсан усса кулпатрашал зана хъуну ур ччурчхусса цала ич1унай, -укун дак1нийн бутлай ур цува С.Х1абиев.

Гъумук к1ира шинайсса школагу бувккуну, Саэд увххун ур дуклан Темирхан Шураливсса реальный (дянивмур даражалул) училищелувун. Мунива га гъан увну ур дуклан Ставрополлайсса гимназиялувун. 1903 шинал му ххуйну к1уртал бувну бур. Гимназиялуву дуклакисса ч1умал, ряххулчинмур классраву г1уртту хъанан ивк1ун ур жагъи-жу-гулттрал суккушиннардаву. Тийх университетравусса социал-демократг1урал к1юкълувун увххун, 1909 шинайнин миннавах ивк1ун ур. Так, паччах1нал власть-

рая лаик1лай, к1юлт1ну Владикавказрайн ивзун, 1905 шинал декабрьданий г1уртту хъуну ур монархистурашал, черносотеннащалсса питнардаву.

1906 шинал Дагъусттаннайн зана хъуну, шийх революциялул давуртту дачин дуллан ивк1ун ур. Гъумук кланттул администрациялушал талан сакин бувну бур «Комитет 27». Мукунсса иширтта-хун агъну уну, полиция ванал х1ирив багъну бивк1ун бур.

Столыпиннул революциялул суккушиннарду рах1му бакъа бас дуллан ик1айхту, интеллигенция к1и шам бавч1усса ч1умал, революциялул чул бувгъуми ххув хъуншиврул вихну, Саэд талайна ивк1ун ур паччах1нал аьралуннашал. 1908 шинал ганаща бювхъуну бур Петербурграя Владикавказнавун ва Грозныйрайн к1юлт1 хъусса революционертуран аьркинсса луттирдугу, ярагъу биян бан.

Му ч1умал С.Х1абиев ду-клай ивк1ун ур университетраву, «Дагестанские областные ведомости» казитрайн макьаларттугу гъан дуллай. Миннуй критика дуну, к1аришлан бик1айхту, цува итабакълан ивк1ун ур «Заря Дагестана» («Дагъусттаннал

ххяххабаргъ») т1исса казит (1912ш.). Муний чичлай бивк1ун бур билаятрай хъанакъисса агъамсса иширттая, зунттал халкъуннал зах1матсса оьрмулия, дуккаврил агъамшиврия, оьрч1ан ниттил мазру лахъхъин баврил масъаларттая, паччах1нал бивтсса округирттал начальниктурал цанма ччи-ччимур буллалаврия...

1912-1914 шиннардий революциялул суккушиннарду чялиш дурксса ч1умал, «Дагъусттаннал ххяххабаргъ» казит цензуралул лавкъуну, С.Габиев итабакълан ивк1ун ур «Мусульманская газета», паччах1нал каялушиву длулалаврил низам, колониярду дуллалисса миннал политика дащуй дихълай.

Хъунмасса гъавасрашал хъунадаркъун дур ганал Ч1умуйсса х1укуматрал власть к1унттихъхун ларс1сса буржуазиянал -демократиялул революция. Амма, мунияя махъ гъарзат клиниязтурал, багтурал, х1аписартурал к1унттихъхун лаглай ч1алан дик1айхту, мунивату дак1 дурккун дур.

Февральданий революция шайхту цал яла дурккума, агъалинан ххирама инсан х1исаврай област1рал исполкомрал С.Х1абиев ивтун ур Гъази-Гъумучиял округал комиссарну. Темирхан-Шуралив увк1ун, га увххун ур Социалистрал



к1юкълувун, М.Дахадаевлул Ж.Къархъмасовлул каялушиву дуллалисса. Миккува к1ул хъуну ур У.Буйнакскийчалгу. Эсертурал партиялуву ивк1сса му, революциялул давурттавах лавгун, дак1 дарц1усса большевик хъуну ур.

ур област1рал исполкомравун.

Чялишну г1уртту хъуну ур С.Х1абиев советирттайн к1ярщисса Н.Х1уццинскийл бунт бас давривугу, 1920 шинал августрай Бакуй Баргъбуккавал миллатирттал съезд х1адур давривугу,



Ац1улчин хъхъич1унсса клану

Ц1ушинал бухк1уллий райондалин бивунни ххарисса хавар -2019 шинаву район социальныйну ва экономикалул хъхъич1унай давриву лахъми зунттал районнал дянив, жула райондалул бувгъунни 2-мур клану. мунишала бахшишран дулун ккаккан бунни ца миллион ва шантуршазара к1уруш. Ва хъанай дур Дагъусттан республикалул бак1чинал чулухасса грант. Юсуп Мах1аммадов райондалул бак1чину увч1уну х1иривмур шиналва райондалул бувгъуссия хъхъич1унсса клану. Цалчин район грантран лайкъ хъуссар 2009 шинал, 2008 шинал хъун дурсса ккаккярттахлу. Ац1лийла бувгъусса хъхъич1унсса кланурдаву к1ийла бувгъуссар цалчинмур. Циняр шиннардива лях ларгссар анжагъ 2017-мур шин.

Республикалул бак1чинал грантирдан райондалул агъалинан мюнпатсса иширттан, шяраваллал ч1алач1ин ххуй дан ишла дан дурк1ссар ч1ярусса арцу. Мунийну бювхъуссар, райондалул бюджетрац1ух к1абюхълахъисса, чара бакъасса давуртту щаллу дан, багъу-бизу ххуй дан.

2020 шинавугу социальныйну, экономикалуву район хъхъич1уннай хъунсса диялсса давуртту хъунни, налогру дат1аву дузалну хъунни ва м.ц.

Барча банну райондалул цинявппагу агъалий, каялушиву дайми, зузалт ва к1уулугъчитал х1акъсса бахшишрашал.

Умуд бур ва шинал ккаккярттахлулу грант ларсун, жува ххари банссару т1исса.

1918 шинал майрай, совет власть дирхъун махъ, Саэд Х1абиев увч1уну ур Дагъусттаннал военно-революционный комитетравун. Июльданий т1урча, Советирттал 1-мур съездрай га увч1уну

му дачин давривугу, мура шинал ноябрьданий ТемирханШуралий Советирттал лялич1исса съезд давривугу. Муна му съездрай, Темирхан-Шуралин И.Сталин ва Г.Орджоникидзегу бувк1ун,

Дагъусттаннай автономия дирхъушиву баян бувссар. Га ч1умал дирхъусса автономия (ДАССР) лирч1ссар Дагъусттаннай утти заманайнин.

Граждан дяъвилул шиннардий С.Габиевлул цимитал (Ахир 3 лаж.)

Зураблук клицл бунни укусса масъалартту:

Мяйжаннугу, агъалинал пачру лахъаврил, къатри гъели баврил члун дайдишайхту ток лещлашаву гъарза хъунни. Гъинттулнийр клинттул ток ишла баву 4-ла лавай шай.

Бусанна цаппара укунсса тарихру: 2019 шинаву, пландалин бувсса ремонтрал давуртту даншиврул, ток лещуну бур 62 базилух, аварияртту хъуну лещан багъну бур 14 базилух, Гъумук подстанциялий чара бакъасса давуртту дан лещуну бур 10 базилух. 2020 шинаву вай тарихру бур 63, 12, 23. Чалай бур подстанциялийсса иширттайну лещан багъшиву 13-ла ххишала. Му бакъассагу октябрь зуруа шихунмай Гъумук члумуйну лещан багъунни 27 базилух, Гъумуксса подстанция сававну. **Ссайн бувнури укунсса тагъар дусса?**

Цалчинмур яла агъанмур савав - ток ишла бувулт ва ишла буллалаву хъинну гъаз шаву.

Даклнин бичирча, 2007-2009 шиннарди зунттал районнай токрал гуж хъинну биял къахъанай буссия. Тай шиннарди ток аъмну ччя-ччяни лещайсса (цинйр фидерду). 2012-2014 шиннарди зунттал районнай токрал гуж ххишала бансса давуртту дурссар. Муния мукъах зунттал рай-

Депутатътурал сессиялий Электрохозяйстволул тагъар

Декабрьданул ахирданий хъусса «Лакрал район» МР-данул депутатътурал собраниян, райондалул электрохозяйстволул тагъар цукунсса дуссарив бусан, овъкуну бия Гъумуксса подстанциялул начальник Зураб Хлажиевлун.

Мунил савав - Гъумук ва шяраваллаву члывуну чани лещлашаву.

Ва иширал савав ци дуссарив бувсунни З.Хлажиевлул. Кказит буккултрангу цинлавхъхъуну электрохозяйстволулу ци хъанай буссарив клул баншиврул, бишлай буру мунал ихтилат.

оннай члун-члумуй ток лещлашаву къадирклссар. Уттирив агъалинал биклу, идарарттал, предпритиярттал биклу ток ишла буллалаву хъинну гъаз хъувкун токрал гуж биял хъанай бакъар. Къатри гъели баву щалла токрай дур.

2017 шиналгу 8 азараквт-ампер бусса Гъумуксса подстанциялул духлай дакъа ток ишла буллалаврил къараллу. Му члумал ирглий шяраваллаву ток лещлан багъайва.

Цибухъурчагу райондай каялушиву дуллаими, хаснува Юсуп Махламмадов щавчуну хъирив уклай гъарца кашив ишла дурну, ахирданийгу бювхъуна Гъумуксса подстанциялий бишин цлусса, 6,3 азара квтрал гуж бусса трансформатор. Мукусса даву зунттал районнай цалчин жучларари



хъусса. Му къини райондалин члывусса хъамалгу бувклун, байран кунна тлайла дуркссия. Гуж бусса трансформатор бишаврийну Гъумуксса подстанциялула бювхъахъиссар дакл дарцлуну напряжения гъазсса даражалин дучлан.

Цлахъаравсса (угловая) гуж ххишаласса подстанциялия Гъумуксса подстанциялин наниссар 10 азара

квт-ампер. Гъумуксса подстанциялул мощность лахъ дурну, аьркинсса даражалин буцайссар. Ва ишираву буруккин бансса клантту бакъар.

Захлматшиву цамурди дусса. 2017 шина 2020 шинайнин токрайн багълагъисса гуж ххишала хъунни 11%-рал. Му хъинну хъунмасса гъаз шавур.

Закондалин буну гъарца къатлухъ ихтияр дуссар 15квтрайн бияннинсса ток харж булан, мунинсса приборду ишла дуллан. Амма иширайну члывуссаннал ишла дулай бур клул бан къашайсса, ягу хъинну ххишаласса ток харж буллалисса приборду цала дурми хлсавну. Му къабучлисса затри. Мукусса прибордан ласун аьркинссар хасъсса ихтияр, диклан аьркинссар технический шартлру.

15квт бакъа ишла къабанну тлурчагу, ишла буллай бур клилину ххишаласса електроэнергия. Мичча сукку хъанай дур трансформаторду (0,4квт) ва гъарца къай-къуй клири лагълаву, ччучлачу, автоматирттал къабухлалаву ва м.ц.

Вай цимурца цлу дуллан арцу хъирив лаллай дакъар. Гуж багълай, ток лещлай бия.

Шикку хлсавравун ласун аьркинссар укунсса масъалагу: Гъумук, ца махлалай жун зун багъарчагу, лещан багъай щала Гъумукх нанисса ток, цанчирча миккусса 250-400квтрал трансформаторду цивпалу, цакуну лещан къабучлиссар, электричестволул дуга хъуну цлу къалачлун. Мунияту лещайссар щала шяравусса ток.

Гуж багълагъаврил ххуттава личлай бур автоматру, рубильнику цайми багълул ххирасса затру.

Вай къай-къуй машан ласун арцуйну кумаг бунни Юсуп Махламмадовул. Вай гъантрай ми дихълахъиссар ччурччуминнул кланттай, ток лещаву къадиклантлссар...

Шяраваллил кланттайсса халкъуннан къулайшиву хъуншиврул хлукуматрал къамул дунни зунттал районнал электрохозяйство хъинну гъаз даврил цла-

нийсса программа. Щала Дагъусттаннай кунна Лакрал, Ккуллал районнайгу специалистволул ххалбигъавуртту дурну, проекту дурссар. Лакрал ва Ккуллал райондай 150 объектрай давуртту дансса икьралданий къулбасру дурссар. 2021 шинал дайдишинтлссар гъарцагу бутлуву цлудуккан даву, токрал ххалла, линиярттая, тлайла хъуну. Му программа 3 шинайсса дур. Му щаллу шайхту жула электрохозяйство цамур даражалин диянтлссар. Цланасса члумал ток лещлашаву дакъассагу захлматшиву дур агъалинан лахъсса (220вт.) напряжения дузал дан къабюхълахъаву. Шикку иш укунссар: Агар Цлахъаравсса подстанциялия Гъумуксса подстанциялин 32-36квт напряжениялул бачирча жуца бюхълай бур напряжение лахъ дан. Цанарив аьркинссаннуяр чансса най дур. Жу ва буруккиндарая баян бару «Дагъэнерголин». Цлахъаравминнал бувчлин бай цачланмагу напряжение ссуссукууну нанишиву, циняр зунттал районнай електроэнергиялул дефицит бушиву. Хласил, угловой тлссса подстанциярду республикалий зий бур 30% чанну. Цлусса программалин буну миккусса гужру (мощность) ххишала бантлссар...

Депутатътураву гъаз хъусса, Гъумук подстанциялий цлусса трансформатор бишайхту циняв захлматшивуртту духлаглагиссар тлий биявхха зу, тлссса суалданун жавабран Зураблук бувчлин бунни укун.

-Гъумуксса подстанциялийсса трансформаторду ххуйсса даражалий зий бур. Миккусса 4 ва 6,3 азара квт буллалисса трансформатордал гуж ххишаланугу гъа хъанай бур райондай. Амма 60-ку шиннарди дирхъусса, дух хъусса, цланасса члумал заводирттал итакъадакълакхисса оборудование дур Гъумуксса подстанциялий. Ми ххуттава личлай, ччучлай, електроэнергия лахъ баву къадухлай дур миннул. Муния жун токрал гуж лагъ бан багъай.

Клулу биклан, подстанциялийсса оборудованиелушач зун жун къабучлиссар. Миннулсса Гергебиллайсса къуллугъралли байсса. Ччурччусса оборудование мичча-тичча ляркъуну дишай миннал, -тлий ур Зураб.

Хласил, члалай бур райондалул администрациялул арцуйну кумаг байхту токрал масъалартту цин лавхъхъуну ххуй хъушиву. Амма хлукуматрал программа биттур къархъуссаксса хъунмасса тамахл бишин къабучлишиву.

Дагъусттаннал Республикалул Хлукуматрал хлукму

18 декабрь 2020ш. №276 ш.Махлачкъала

2020 шинал 3 кварталданий Дагъусттан Республикалийсса агъалинал агъамми социальный-демографиялул бутлран ва ца инсаннан оьрму бутаншиврул аьркин хъанай дирклсса яла чансса арцул лагру ккаккан даврия

2005 шинал июльданул 6-ний къамул дурсса Дагъусттан Республикалул №28 закондалин буну («О прожиточном минимуме в Республике Дагестан») Дагъусттан Республикалул Хлукуматрал хлукму буллалиссар:

2020 шинал 3 кварталданий Дагъусттан Республикалий ца инсаннан оьрму бутаншиврул аьркин хъанай дирклсса яла чансса арцул лагру ккаккан дан **10 471 къуруш**, зун бювхъайсса инсантуран **10 719 къуруш**, пенсионертуран **-8 196 къуруш**, оьрчлан **-10 788 къуруш**.

А.Карибов,

РД-лул Хлукуматрал Председательшиву члумуйсса щаллу дуллалима.

(Дайдихъу 2 лаж.)

лагу члалачли дурссар цала виричувшиву ва душманная цанна нигъ дакъашиву.

Ухсавнил Кавказнаву ва Закавказьели Саэдлул дурмунин лавайсса къимат бившуссар Г.Орджоникидзе, С.Кировул, Е.Стасовал, А.Назаретяннул, Н.Наримановул, А.Тодорский ва м.ц. хъхъичлунсса революционертурал ва военачальниктурал. Инсагурал хъхъичл гъалгъа бангу, чичингу пагъму бусса ганал революциялун аьркинсса давуртташач журналистнал даву ххуйну дачин дурну дирклссар, агъалинай хъунмасса асар биян буллай.

Цала оьрмудулу хъунмас-

са, цла дан лайкъсса ххуллу бивтун бур Ибрагъиннул арс Саэл Хлабиевлул. Га ивклун ур дакл марцлсса, партиялул ххуллу бувгъусса, агъалинаха зузисса коммунист, дакл къанкъасса талатала.

(«ДП», 30.12.2020ш.)
(Тун даклний ур 1950-ку шиннарди С.Хлабиев Гъумукун увклун, Муркъилинахъал къатраву авцлуну, паччахл ххуллул зуманицлук лавай-ялавай занай, универмаграл хъхъичлсса чуртурдай щяивклун, планлрус тлий, игъалаглай ивклсса члун. Мудан га члумалгу китель ва галифе хлажакгу ларххун, хромрал чакмардаву занай иклайва.

Махъ, 60-ку шиннар-

дий ттула уссишач жуннийна увклун даклний ур С.Хлабиевлул арс Джайран. Га ия археолог. Буслай биклайва, С.Хлабиевлул га, дяъвилий фашистволул ливтлуну, къатл хъуминнаву, контузия дирну сагъну лявкъун, гъаз увну, шавай иян увну, ххассал увссар, тлий. Амма Джайраннул бакл гания махъ зурзу тлийнна лирчлун, ттун ккакксса члумалгу мукунна дия.

Яла, Туплислив ивклуну, цала аманат бувсса куцуй, Гъумук уччин лавсун бувклун, паркираву цлана гъайкал дусса кланай учлайгу даклний бур.

Ганал бунагъирттал аьпа баннав Аллагънал!

К.Къ.

Учредитель:

Администрация
МР «Лакский район».
Учредитель:
«Лакрал район»
МР-далул
администрация

Главный редактор

М. М. Мусалаев
Ответственный секретарь
К. М. Курбанов
Корреспондент
К. М. Курбанов

Опер. комп. набора

Р. И. Джалаева
Тех. редактор
А. М.-Р. Абакаров

Адрес редакции, издателя:

368360, Республика
Дагестан, Лакский район,
с. Кумух, ул.
Сурхайхана-1, 96

Газета набрана
и сверстана на
компьютерной базе
редакции газеты «Заря»
и отпечатана в ГАУРД
«Издательский дом»
«Дагестан»
Адрес:
г. Махачкала,
пр. Насрутдинова, 61.

Срок подписания
в печать 17.00
Подписано в 16.00

Газета выходит
в неделю 1 раз.
Тираж 742 экз.
Цена свободная.

Газета зарегистрирована
Управлением
Федеральной службы
по надзору в сфере
связи, информационных
технологий и массовых
коммуникаций по
Республике Дагестан от
22 августа 2017 г.

Регистрационный
ПИ № ТУ05-00385

Позиция редакции
может не совпадать
с точкой зрения
авторов, которые несут
ответственность
за достоверность
о объективность
представленных для
публикации материалов.

Антитеррор**Райондалул администрациялул амру**

2020ш. 29 декабрь. №93-р

**«Лакрал район» МРданучласса террор-экстремизма-
лин къарщисса комиссиялул батлаву Къубиял шяраву
дансса кыни ва члун ккаккан даврия ва му хладур
дансса комиссия сакин баврия**

2021ку шинал «Лакрал район» МР-данучласса террорданин къарщисса комиссиялул даврил пландалул цалчинмур бутла битур баву мурадрай:

1. «Лакрал район» МР-данул террорданин къарщисса комиссиялул батлаву дан 2021 шинал февраль зурул 26-ний Къубиял шяраву, дайдишин ссят 11-ний.

2.Террорданин къарщисса комиссиялул регламентрал 3,2 пунктрайн бувну, Къубавсса батлавринсса материаллу хладур даншиврул сакин бан зузи группа (ургу гихунай).

3.Террорданин къарщисса комиссиялул Къубавсса батлаврий дансса давурттал ва му тлайла дуккавил план цлакь дан.

4.Зузи группалий каялушиву дуллалиманан 2021 шинал 16-мур февраль хьуннин террорданин къарщисса комиссиялин диян дан батлаврин хладур дурсса материаллу.

Ю.х1.Мах1аммадов, «Лакрал район» МР-данул бак1чи, АТК-лул председатель.

Террорданин къарщисса «Лакрал район» МР-данучласса комиссиялул ирглийсса батлаву давринсса материаллу хладур дансса зузи группалул сиях1:

Макъсудов М.Ю. - «Лакрал район» МР-данул бак1чинал заместитель, АТК-лул секретарь, зузи группалул бак1чи;

Гадаев М.А. - Террорданин къарщисса комиссиялул аппаратрал начальник;

Рамазанов М.С. - МВД-лул «Лакский» МО-лул начальник.

Х1амзаев Я.М. - Дуккавил управлениелул начальник.

Х1амзаев М.А. - Къубиял шяраваллил администрациялул бак1чи.

Зузи группалул бак1чинан 2021 шинал февральданул 16 хьуннин террорданин къарщисса комиссиялин баян бан батлавринсса материаллу хладур шаврия.

«Лакрал район» МР-данул АТК-лул аппаратрал начальник.

Спорт**Футболлай буккавил бяс-ччал**

Щалагу Абра-
станал спортрал
ва цлулу-сагъ-
шиврул декада-
лун хасну, Гъумук
хьунни футбол-
лай буккавил
бяс-ччаллу. Ми
хладур бувна
«Культуралул, ту-
ризмалул, спор-
трал центрданул
ва цачлун дурсса
библиотекар-
дал системалул
центр» МКУК-
рал директорнал
заместитель

Малик Х1усмановлул.

Бяс-ччаллу хьуна Гъумук-
сса паркравусса футболлай
буккай чливи майданнив.

Миннуву гьуртту хьунни
маяра команда: Гьунчлукъа-
трал, Щардал, Хьурттал ва
Гъумучатусса ххюра коман-
да.

Футбол-
лай букка-
вил бяс-
ччалливу
гьуртту хь-
нахьимин-
нан дия 15-
ния 50-нийн
дирсса шин-
ну.

Ххув хьун-
ни ва бяс-

ччаливу Гъумуксса Нью-
мардул мизитрал команда.
Килчинмур клану бувгьун-
ни Гъумуксса ветерантурал
командалул. Шамулчинмур-
гу -Гъумучиял школалуву
дуклакисса оьрчлал коман-
далул.

Хьхьичлунс-
са клантурду
бувгьуми коман-
дарттан тапшур
дурни арцу-
нуса призу ва
грамотарду.

М.Х1усманов.

**Аьрщи сукку хьусса ч1умал!**

Аьрщи сукку хьун бьухъайшиву цакуну баян бар-
ча, хьхьичлва -хьхьичл дарих буккан кьабучлиссар.
Къатрава кьатлув букканнин, аьркинссар ток лещан,
газ лакьин, лавхъсса тланнул ягу хьуручлул пач ле-
щан бан. Оьрчлайгу, цайрагу янна лаххан члумух бу-
рувгун, мудан хладурну битаван аьркинсса докумен-
тру, ялун лахханмур, дукия.

Къатрал кьатлув буккайхту, аьркинссар члирттая
арх хьун, гьартасса кланай бацлан. Аьрщи хар-хавар
бакъа сукку хьурча, чяни къатрава кьатлув буккан
бьухълай бакъахьурча, бацлан аьркинссар нузру, хь-
лурду бусса кланай, кьатлул муьрцлув, ялун зат лекъ-
акъанну. Аьрщи сукку хьанахъаву дацлайхту, ана-
варну кьатлув буккан.

Даврий бунува аьрщи сукку хьанай дайдиширча, ана-
варну давугу дацлан дурну, токту левшун, аьркинмургу
ларсун, кьатлув буккан аьркинссар. Агар аьрщи сукку
хьурча ттучандалий, кинотеатрданува ягу цамур кланай
бусса ч1умал, анавар мабуккари шаппай буххан. Цал
вичли дишара, ци баян байрив. Зула бак1равун бувхмур
мабулларди, МЧС-рал увкумур буллалияра.

Аьрщи сукку шавринсса хладуршинна диклан аьр-
кинссар шардагу, хьап куну, анаварну, зуцала ласун-
шиврул дукия, медициналул аптечка, документру.
Клулу биклан аьркинссар цама инсаннан кумаг
бангу. Зуцава 15-20 секундлар дянив кьатлув буккан
къабьухъантлий бухьурча, клулу биклан аьркинссар
зува чун буххан, чув бацлан аьркинссарив. Лахъсса
этажирттай бухьурча, кьабучлиссар лифтрай буч-
лан, члавахъулттайх тланкла тлун. Оьрчлру школа-
лий бусса ч1умал сукку хьурча, столданул лув буххан
аьркинссар, аьрщи сукку шаву дацланнин, яла ана-
варну кьатлув буккан.

Ва махъсса зуруй жула Республикалий клийла -ша-
мила аьрщи сукку хьунни вай гьантрай. Жула Ре-
спубликалийгу, Чачаннавугу сукку хьунни аьрщи.
Мунияту лич1лулу биклан багълай бур цинаннан.

Н.Х1асанов,

Лакрал райондалул ЕДДС-рал начальник.

Райондалул администрациялул,
депутатътурал собраниялул ва ща-
лагу коллективрал чулуха кьурчли-
шиву клидачлай буру кулпатрацал,
оьрчлацал, мацца-ляхъиндарацал

Аьлишаев Исуп Х1асаннул арс
жуятува ахиратравун гьаврин був-
ну.

Алжан нясив баннав цан! Мунан
къабуллумур оьрмугу оьрчлан, махъ
ливчлан булуннав!

Райондалул администрациялул,
депутатътурал собраниелул ва кол-
лективрал чулуха жижара буллай,
хьуннасса кьурчлишиву клидачлай
буру кулпатрацал, оьрчлацал, мац-
ча-ляхъиндарацал райондалий кая-
лушиву дуллай ивклсса

Сулайманов Нажмуттин
Сулайманнул арс

жуятува гьаврин бувну.

Гьав нурданул дуцлиннав. Алжан
нясив баннав. Махъминнал оьрмур-
дай барацат бишиннав.

Дуккавил управлениелул ва дук-
кавил зузалтрал профсоюзрал
райкомрал чулуха жижара буллай,
хьуннасса кьурчлишиву клидач-
лай буру кулпатрахъ, оьрчлахъ,
мацца-ляхъиндарахъ пагьму бус-
са педагог, шяэр, лакрал патриот,
чларсса шиннардий Ккурккуллал
школалул директоршиву дуллай,
ларайсса ккаккиртту хьун дурсса
жула уртаке,

Мах1аммадаьлил арс Даниял
Магъдиев жуятува личли шаврин
бувну.

Цал рух1 хьинний дишиннав! Ал-
жан нясив баннав! Мунан къабуллу-
мур оьрмугу оьрчлан булуннав.